

Maman!



Proget promovût di 'Il Friuli' e 'ARLeF'



LIS AVENTURIS DI VIGJI E LUMI

CJÂRS AMÏS,

ce confusion
che e je! Cui isal
che al disturbe il gno
sium?

Lassaitmi in pàs che o
ai di durmî almancul
15 oris in dì!

Al è un **sDRAMÀS**
che al ven di fûr
de cjamare che mi
tormente, al è il rumôr
dal fruladôr che al
masane mandulis e
nolis.

Daria e une sô amie
a preparin dolçuts di
regalâ par Nadâl a parincj e amÏs.

A messedin margarine,
farine,
zucar, un ûf, lis mandulis e lis nolis
deventadis polvar e a impastin cu



Fotografie di Francesco Damiani

lis mans.
Sul fûc
e je une
pignate
cun dentri
tante
cjocolate
di disfâ che
mi fâs vignî
la aghegole. Po dopo a
fasin tantis balutis di
meti intal for.
O monti cun elegance
su la cjadree par fracâ
dentri la çate e cerçâ,
ma Daria mi pare vie e e
dîs: "No Vigji, nol è par

te! Tu no tu puedis, vie!"

Di bon che i dolçuts ju prepare
pai siei amÏs... e jo? No soio
un amÏ ancje jo? Uff!

SDRAMÀS
GRANDE
CONFUSION




LU SAVEVISO CHE...?

■ Sul Arbul di Nadâl
si puedin meti ancje
lis fetis di naranç dopo
che si fasin secjà e i
biscots, magari cu
la forme di Barbe
Nadâl o di rene!
Cemût vèso fat il
vuestri Arbul
di Nadâl a
cjase?



> Tant par ridi

Savêso ce che a
fasin sot dal
arbul di Nadâl
il Re de
Belgijche e
la Regjine de
Ingletiere?
I regâi.



ZÛC

In cheste imagjin cîr e cercle:



■ di ros Barbe
Nadâl

■ di vert i
cjapiei di
Barbe Nadâl

Cumò conte
i cjapiei di
Barbe Nadâl.
Trops sono?

Soluzion: cuatri

Tu puedis tornâ a viodi dutis lis pontadis di Maman! sul sît o sul canâl YouTube de ARLeF.

Maman! al torne
cun gnovis aventuris
ogni setemane.

Us din
apontament su

telefriuli



vinars aes 5.45 sot sere

Pagjine curade di Daria Miani
e dal Sportel Regionâl
pe Lenghe Furlane de ARLeF



Dissen di Serena Debegnach

ARLeF
AGENZIE
REGIONÂL
PE LENGHE
FURLANE